

Ս. ԱՏԵՓԱՆՆՈՍ ՆԱԽԱՍԱՐԿԱՎԱԳԻ ՏՈՆԻՆ ՆՎԻՐՎԱԾ ՀԱՆՂԻՍՈՒԹՅՈՒՆ ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆՈՒՄ

Դեկտեմբերի 26-ին Գևորգյան Հոգևոր ճեմարանի հանդիսությունների դահլիճում տեղի ունեցավ ուսանողության կողմից պատրաստված երեկույթ՝ նվիրված Սբ. Ստեփաննոսի տոնին: Երեկույթին ներկա էին Մայրավանքի միաբանները, ուսանողությունը և հյուրեր: Հանդիսությունը նախագահում էր Կաթողիկոսական Ընդհանուր Փոխանորդ Գարեգին արքեպս. Ներսիսյանը:

Այն սկսվեց Տերունական աղոթքով: Ապա ճեմարանի սաները, Ռ. Շարբաթյանի ղեկավարությամբ, կատարեցին Հոգևոր ճեմարանի քայլերգը: Բացման խոսք ասաց Ձ լսարանի սան, ուրարակիր Վաղարշակ Օատուրյանը: «Գործք առաքելոցի» այն հատվածը, որը նվիրված է Ս. Ստեփաննոսի քարկոծմանը, ընթերցեց նույն լսարանի սան, ուրարակիր Սահակ Գասպարյանը: Իսկ Արտակ սրկ. Սահակյանը հանդես եկավ «Պատուական է առաջի Տեառն մահ սրբոց իւրոց» բանախոսությամբ, որում շահեկան տեղեկություններ հաղորդվեցին Լամբրոնացու և Արճիշեցու «սարկավազ» բառի ստուգաբանության, Տաթևացու՝ Ս. Ստեփաննոսին նվիրված քարոզի մասին:

Բանախոսությունից հետո Գևորգյան Հոգևոր ճեմարանի երգչախումբը կատարեց «Նախասարկավազ» շարականը: Վահան Թեքեյանի «Եկեղեցին հայկական» բանաստեղծությունն ասումընթաց Ս լսարանի սան Էդիկ Հակոբյանը: Ապա նույն լսարանի սան Զոհրապ Կարապետյանի դաշնամուրային կատարմամբ հնչեց «Էքսպրոմտ-ֆանտազիա» ստեղծագործությունը, որին հաջորդեց Ձ լսարանի սան Միքայել սրկ. Միքայելյանի բանախոսությունը՝ «Սբ. Ստեփաննոսի եկեղեցիները» թեմայով: Ներկայացվեց Ստեփաննոսի անունը կրող երեք վանքերի և տասնմեկ եկեղեցիների պատմությունը, որոնք կամ առանձին եկեղեցիներ են, կամ եկեղեցիներ, որոնք գտնվում են վանական համալիրներում: Այնուհետև Գևորգյան Հոգևոր ճեմարանի երգչախմբի կատարմամբ հնչեց «Ստեփաննոս քաղցրիկ տատրակ» շարականը:

Որպես ամփոփում, իր օրհնության խոսքն ասաց Կաթողիկոսական Ընդհանուր Փոխանորդ Գարեգին արքեպս. Ներսիսյանը՝ երախտագիտության ու գնահատանքի խոսք ուղղելով Գևորգյան Հոգևոր ճեմարանի տեսչությանը՝ ներկաներին այս գեղեցիկ ապրումների պահը պարզեցնելու համար: Գարեգին արքեպիսկոպոսը խոստովանեց, որ ուսանողության հետ հանդիպելու, շփվելու, զրուցելու և նրանց կյանքի մեջ խորամուխ լինելու կարոտ է զգում, և այդ բացը ինչ-որ չափով լրացնելու է զալիս այս հանդիսությունը: Արթագանը հույս հայտնեց, որ Ս. Ստեփաննոսի հիշատակը նշելը միաբանության և ուսանողության կյանքում միայն ավանդական տոնախմբություն չպետք է լինի, այլ նաև՝ ապրում:

Ամդրադառնալով այն իրողությանը, որ Ս. Ստեփաննոսի տոնը նախ և

առաջ սարկավազաց տոմն է, Արբազանը շնորհավորեց բոլոր սարկավազ-
ներին և ուսանողներին էլ նրանց հետ, կոչ արեց հայացքներն ուղղել իրենց
խսկ հոգիներից ներս և տեսնել, թե որքանով է Ս. Ստեփաննոսն արտացոլվում
այնտեղ՝ իր էությանը, իր հավատքով և իր գործով՝ այս մասին ի մասնավորի
ասելով. «Մեր եկեղեցին և մեր ժողովուրդը կարիք ունեն Ստեփաննոսի հոգով
խանդավառ եկեղեցականների: Այսօր մեզանից նահատակություն չի
պահանջվում, որովհետև Քրիստոսի եկեղեցու նկատմամբ հալածանք չկա, այլ
ակնկալվում է այն ծառայությունը, այն պատրաստակամությունը, այն
նվիրումն ու հավատքը, որն ունեն Ստեփաննոսը: Մաղթում եմ, որ ձեր
հայացքի առջև միշտ Ստեփաննոս Նախասարկավազի կեպարը, նրա կյանքն
ու զոհաբերությունն ունենաք, և նվիրումն ու ծառայասիրությունը առաջ-
նորդող գաղափարներ լինեն ձեր կյանքում: Միայն Ստեփաննոսի հավատքով
ու կյանքով ապրելով կարծանանանք մեր եկեղեցու արժանի սպասավորները
և մեր ժողովրդի արժանի զավակները կոչվելուն»:

Ավարտելով խոսքը, Գարեգին արքեպիսկոպոսը մեկ անգամ ևս
շնորհակալություն հայտնեց ճեմարանի տեսչությանը և մաղթեց, որ Աստծո
օրհնությունը լինի բոլորի վրա:

Հանդիսությունն ավարտվեց «Հայր մեր»-ի երգեցողությամբ և Փոխանորդ
Արբազան Հոր «Պահպանիչ»-ով:

ԱՐՄԵՆ ՊԵՏՐՈՍՅԱՆ

Դ լսարանի սան